

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савет

MIŠLJENJE

po zahtjevu privrednog subjekta BOR banka d.d. Sarajevo

**Sarajevo,
juni 2016. godine**



Broj: 01-26-7-09-3-I/16
Sarajevo, 08.06.2016. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za davanje mišljenja privrednog subjekta BOR banka d.d. Sarajevo, Obala Kulina bana 18, 71000 Sarajevo, Konkurencijsko vijeće Bosne i Hercegovine na 130. (stotridesetoj) sjednici održanoj dana 08. juna 2016. godine, donijelo je

MIŠLJENJE

Privredni subjekt BOR Banka d.d. Sarajevo, Obala Kulina bana 18, 71000 Sarajevo (u daljem tekstu: BOR banka ili Podnosilac zahtjeva), dana 04.05.2016. godine pod brojem: 01-26-7-09-I/16, podnio je Konkurencijskom vijeću Zahtjev za davanje mišljenja o postojanju obaveze prijave koncentracije (u daljem tekstu: Zahtjev).

Zahtjevom se traži mišljenje o obavezi prijave koncentracije zbog planirane statusne promjene pripajanja privrednog subjekta Privredna banka Sarajevo d.d. Sarajevo, Alipašina 6, 71000 Sarajevo (u daljem tekstu: Privredna banka Sarajevo ili PBS) privrednom subjektu BOR banka.

Uvidom u podneseni Zahtjev, Konkurencijsko vijeće je utvrdilo da isti nije kompletan, odnosno da nije preciziran i da nije dostavljen dokaz o uplati administrativne takse, te je od Podnosioca zahtjeva, aktom broj: 01-26-7-09-1-I/16 od dana 11.05.2016. godine, tražena dopuna Zahtjeva u smislu člana 31. stav (1) Zakona o konkurenciji (u daljem tekstu: Zakon).

Podnosilac zahtjeva je traženu dopunu Zahtjeva dostavio Konkurencijskom vijeću dana 17.05.2016. godine, podneskom broj: 01-26-7-09-2-I/16.

Podnosilac zahtjeva u bitnom navodi slijedeće:

- da su učesnici koncentracije privredni subjekti BOR banka i Privredna banka Sarajevo;
- da je pravni oblik koncentracije pripajanje privrednog subjekta Privredna banka Sarajevo privrednom subjektu BOR banka;
- da su pravni osnov koncentracije odluke nadzornih odbora BOR banke (NO-96/16 od 29.04.2016. godine) i Privredne banke Sarajevo (02-2180-12A/16 od 29.04.2016. godine) o namjeravanoj reorganizaciji (pripajanju) koje će se objaviti u Dnevnom Avazu 05.05.2016. godine;
- da su privredni subjekti BOR banka i Privredna banka Sarajevo povezani po osnovu ulaganja BOR banke u dionice Privredne banke Sarajevo u iznosu od 9,88% redovnih dionica i da je dio dioničarske strukture zajednički za obe banke;
- da je ukupan godišnji prihod privrednog subjekta BOR banka ostvaren u 2015. godini 12.637.190 KM, dok je ukupan godišnji prihod privrednog subjekta Privredna banka Sarajevo ostvaren u istom periodu 9.746.542 KM;
- da privredni subjekti BOR banka i Privredna banka Sarajevo dominantno posluju na teritoriji Federacije Bosne i Hercegovine i da im je tržišno učešće na tom relevantnom tržištu za 2015. godinu po osnovu ukupne aktive, kredita i depozita slijedeće:
 - aktiva: BOR banka 1,41%, PBS 0,90%,

- krediti: BOR banka 1,51%, PBS 0,91%,
- depoziti: BOR banka 1,01%, PBS 1,01%.

Konkurencijsko vijeće je na osnovu analize dokumentacije i podataka iz Zahtjeva, prilikom izrade ovog mišljenja i preporuke uzelo u obzir odredbe člana 12. stav (1) i (2) i člana 14. stav (1) Zakona, kao i odredbe člana 2. Odluke o načinu podnošenja prijave i kriterijima za ocjenu koncentracija privrednih subjekata ("Službeni glasnik BiH", br. 34/10)(u daljem tekstu: Odluka).

Član 12. stav (1) i (2) Zakona, definiše pojam koncentracije privrednih subjekata:

"(1) Koncentracijom u smislu ovog Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili dominantnog uticaja jednog privrednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) sticanjem kupovinom većine akcija ili učešća osnovnog kapitala; ili
 - 2) sticanjem većine prava glasa; ili
 - 3) na drugi način, u skladu s odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih subjekata, koji djeluju kao nezavisan privredni subjekt.

(2) Sticanje kontrole u smislu stava (1) ovog člana ostvaruje se putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata."

Član 14. stav (1) Zakona propisuje uslove kada su učesnici koncentracije obavezni prijaviti koncentraciju:

"(1) Namjeravanu koncentraciju privrednih subjekata, iz člana 12. stav (1) ovog zakona, učesnici koncentracije su obavezni prijaviti, i to kada su ispunjeni sljedeći uslovi:

- a) da ukupni godišnji prihod svih učesnika koncentracije ostvaren prodajom roba i /ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000 KM po završnom računu u godini koja je prethodila koncentraciji, ili ako je njihovo zajedničko učešće na relevantnom tržištu veće od 40%."

Član 2. Odluke pojašnjava član 14. stav (1) Zakona i glasi:

"Namjeravanu koncentraciju privrednih subjekata iz člana 12. Zakona, učesnici koncentracije su obavezni prijaviti i to:

- a) privredni subjekti sa sjedištem i prebivalištem u inostranstvu ukoliko su ispunjeni uslovi iz člana 14. tačke a) i b) Zakona, i
- b) privredni subjekti sa sjedištem i prebivalištem u Bosni i Hercegovini ukoliko su ispunjeni uslovi iz člana 14. tačka b) Zakona."

Konkurencijsko vijeće je primjenom navedenih odredbi, a na osnovu podataka koji su dati od strane Podnosioca zahtjeva, utvrdilo da privredni subjekti BOR banka i Privredna banka

Sarajevo ostvaruju uslov za obaveznu prijavu koncentracije koji se odnosi na ukupan prihod ostvaren na tržištu Bosne i Hercegovine u godini koja je prethodila koncentraciji.

Ovo mišljenje je dato isključivo na osnovu podataka navedenih u Zahtjevu.

Predsjednica

mr. Arijana Regoda-Dražić

Dostaviti:

- **Podnosiocu zahtjeva**
- **u spis**
- **arhiv Konkurencijskog vijeća**